

საქართველოს მთავრობის

დადგენილება №383

2019 წლის 9 აგვისტო

ქ. თბილისი

„იმ თანამდებობის პირთა ნუსხის დამტკიცების შესახებ, რომლებსაც აქვთ სამსახურებრივ-საშტატო იარაღის ტარების უფლება“ საქართველოს მთავრობის 2014 წლის 18 მარტის №242 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „იმ თანამდებობის პირთა ნუსხის დამტკიცების შესახებ, რომლებსაც აქვთ სამსახურებრივ-საშტატო იარაღის ტარების უფლება“ საქართველოს მთავრობის 2014 წლის 18 მარტის №242 დადგენილებაში (www.matsne.gov.ge, 19/03/2014, 120200010.10.003.017862) შეტანილ იქნეს ცვლილება და დადგენილებით დამტკიცებული ნუსხის 6¹ მუხლი ჩამოყალიბდეს შემდეგი რედაქციით:

„მუხლი 6¹. საქართველოს სახელმწიფო უსაფრთხოების სამსახურის სისტემაში:

1. სამსახურის უფროსი, სამსახურის უფროსის პირველი მოადგილე, სამსახურის უფროსის მოადგილე;
2. გენერალური ინსპექციის (დეპარტამენტის) მოსამსახურეები;
3. ადმინისტრაციის (დეპარტამენტის) მოსამსახურეები;
4. იურიდიული მთავარი სამმართველოს მოსამსახურეები;
5. უსაფრთხოების დაცვის რეჟიმის მთავარი სამმართველოს მოსამსახურეები;
6. სახელმწიფო უსაფრთხოების დეპარტამენტის მოსამსახურეები;
7. ანტიკორუფციული სააგენტოს (დეპარტამენტის) მოსამსახურეები;
8. კონტრდაზვერვის დეპარტამენტის მოსამსახურეები;
9. კონტრტერორისტული ცენტრის (დეპარტამენტის) მოსამსახურეები;
10. ოპერატიული ღონისძიებების დეპარტამენტის მოსამსახურეები;
11. საინფორმაციო-ანალიტიკური დეპარტამენტის მოსამსახურეები;
12. სპეციალური ოპერაციების დეპარტამენტის მოსამსახურეები;
13. ობიექტების დაცვის მთავარი სამმართველოს მოსამსახურეები;
14. კადრების მთავარი სამმართველოს მოსამსახურეები;
15. ეკონომიკური დეპარტამენტის მოსამსახურეები;
16. დროებითი მოთავსების უზრუნველყოფის სამმართველოს მოსამსახურეები;
17. სამსახურის ტერიტორიული ორგანოების მოსამსახურეები;



18. სამსახურის მმართველობის სფეროში შემავალი საჯარო სამართლის იურიდიული პირის მოსამსახურეები.“.

მუხლი 2

დადგენილება ამოქმედდეს გამოქვეყნებისთანავე.

პრემიერ - მინისტრი

მამუკა ზახტაძე

